

INFORMACIJA
o kretanju makroekonomskih pokazatelja
za januar/siječanj - avgust/kolovoz 2025. godine

Sadržaj

Uvod.....	3
1. Realni sektor.....	7
<i>Kretanje industrijske proizvodnje.....</i>	7
<i>Maloprodaja.....</i>	9
<i>Tržište rada.....</i>	10
2. Javne finansije.....	13
<i>Indirektni porezi.....</i>	13
<i>Direktni porezi, doprinosi i neporeski prihodi</i>	15
3. Cijene i finansijski sektor.....	16
<i>Cijene.....</i>	16
<i>Berze u Bosni i Hercegovini.....</i>	18
4. Vanjski sektor.....	20
<i>Platni bilans.....</i>	20
<i>Vanjskotrgovinska robna razmjena.....</i>	21
5. Strana direktna ulaganja.....	24

Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara Bosne i Hercegovine za ublažavanje uticaja globalne ekonomske krize na privredu Bosne i Hercegovine. Direkcija za ekonomsko planiranje je zadužena da u vezi sa navedenim prati kretanje makroekonomskih pokazatelja i da „Informaciju“ o kretanju mjesečno dostavlja Vijeću ministara.

Direkcija je zadužena da „Informaciju“ dostavlja mjesečno Parlamentarnoj skupštini Bosne i Hercegovine u svrhu praćenja uticaja svjetske ekonomske krize na ekonomiju Bosne i Hercegovine.


„Informacija“ obuhvata kretanje glavnih makroekonomskih pokazatelja u Bosni i Hercegovini za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima Bosne i Hercegovine koje publikuje Direkcija, kvartalno - četiri puta godišnje, te redovno dostavlja Vijeću ministara i Parlamentu Bosne i Hercegovine.

* * *

U ovom dokumentu biće prikazani podaci za nivo Bosne i Hercegovine i entitetske nivoe, gdje je to moguće. Prikazani podaci za nivo BiH ne predstavljaju prosti zbir/prosjek podataka entiteta za svaki od sektora.

Prema trenutno raspoloživim statističkim podacima (nacionalni računi i kratkoročni statistički pokazatelji) za 2025. godinu u Bosni i Hercegovini je nastavljen trend rasta ekonomske aktivnosti iz prethodne godine. Naime, prema podacima BHAS-a za 2025. godinu u Bosni i Hercegovini nastavljen je trend rasta BDP, vanjskotrgovinske robne razmjene, javnih prihoda ali i inflacije u odnosu na prethodnu godinu. Kada je u pitanju BDP, prema trenutno raspoloživim podacima (statistika nacionalnih računa) BHAS-a za K1 2025. godine procjenjuje se da je stopa realnog ekonomskog rasta u odnosu na isti period prethodne godine iznosila 1,7%, dok je rast u K2 u odnosu na isti period prethodne godine iznosio 1,8%.¹ Ako se pažljivije posmatra struktura ekonomskog rasta u K1 2025. godine može se zaključiti da je domaća tražnja kroz povećanje potrošnje i investicija predstavljala glavni oslonac rasta, dok je doprinos trgovinskog bilansa bio blago negativan. Pregled strukture ekonomskog rasta u Bosni i Hercegovini u K1 2025. godine po komponentama rasta prikazan je na grafikonu ispod.


Grafikon 1: Struktura ekonomskog rasta u Bosni i Hercegovini u K1 2025. godini po komponentama



¹ Agencija za statistiku Bosne i Hercegovine, Saopštenje, „Bruto domaći proizvod, rashodni pristup, tromjesečni podaci za K1 2025. godinu“, 30.06.2025. godine.

Rast domaće tražnje kroz povećanje finalne potrošnje (privatna + javna) i rast investicionih ulaganja u K1 2025. godine su omogućili nastavak trenda rasta BDP-a u Bosni i Hercegovini od 1,7% u odnosu na prethodnu godinu. Trenutno raspoloživi zvanični statistički podaci na tržištu rada ukazuju da je tokom ovog posmatranog perioda došlo do povećanja broja zaposlenih lica od oko 1%, realnog rasta plata od skoro 10%, što je uz porast priliva doznaka građana iz inostranstva od oko 5% i rasta kredita u sektoru stanovništva od oko 10% i dovelo do povećanja privatne potrošnje od 1,7%. S druge strane, vrijedi istaći da je inflacija u Bosni i Hercegovini u periodu K1 2025. godine mjerena indeksom potrošačkih cijena iznosila oko 3,4% što je nešto više u odnosu na prethodnu godinu. Pored privatne potrošnje, u K1 2025. godine došlo je i do povećanja javne potrošnje od 1,6% usljed povećanja minimalne plate kako u privatnom tako i u javnom sektoru na različitim nivoima u Bosni i Hercegovini. Ako se ima u vidu zastupljenost ukupne finalne potrošnje u strukturi BDP-a od oko 2/3 i njen doprinos u ekonomskom rastu u K1 2025. godine od 1,6 p.p. (privatna potrošnja 1,3 p.p. i javna potrošnja 0,3 p.p.) može se zaključiti da je ista predstavljala ključni oslonac ekonomskog rasta u Bosni i Hercegovini. S druge strane, raspoloživi statistički podaci BHAS-a ukazuju da je u K1 2025. godine došlo do povećanja bruto investicija od 5,5% u odnosu na isti period prethodne godine uz pozitivan doprinos ekonomskom rastu od oko 1,0 p.p. Međutim, prilikom interpretacije doprinosa investicija u strukturi ekonomskog rasta u Bosni i Hercegovini potreban je određen nivo opreznosti obzirom da se statistički posmatrano² u okviru investicija nalaze i zalihe. S druge strane, određeni pokazatelji iz vanjskog okruženja kao i preliminarne podaci o vanjskotrgovinskoj robnoj razmjeni u Bosni i Hercegovini su nešto povoljniji u odnosu na prethodnu godinu. Poboljšanje ovih makroekonomskih indikatora u K1 2025. godine moglo bi ukazivati na nešto bolji doprinos vanjskog sektora u strukturi ekonomskog rasta u Bosni i Hercegovini u poređenju sa prethodnom godinom. Naime, prema podacima Eurostat-a preliminarne stopa rasta BDP-a u zemlja EU iznosila je 1,4%, što se odrazilo na izvozu tražnju za bh. izvoznim proizvodima. Grafički prikaz kretanja ekonomskog rasta u K1 2025. godine po glavnim trgovinskim partnerima prikazan je na grafikonu ispod.

Grafikon 2: Ekonomski rast po zemljama (stopa rasta P1 2025/P1 2024)




Izvor: Eurostat

² Pogledati saopštenje BHAS, statistika nacionalnih računa za K1 2025. godine
https://bhas.gov.ba/data/Publikacije/Saopstenja/2025/NAC_04_2025_Q1_0_BS.pdf

Ovo djelimično poboljšanje privredne aktivnosti u vanjskom okruženju koje se ogleda kroz višu stopu rasta BDP u K1 2025 koja je iznosila 1,4% (rast u K1 2024 iznosio 0,3%) pozitivno se na izvoznu tražnju za proizvodima iz Bosne i Hercegovine. Ovo jačanje izvozne tražnje postepeno je stabiliziralo vanjskotrgovinsku robnu razmjenu u Bosni i Hercegovini, naročito u domenu izvoza. Naime, nakon dužeg vremenskog perioda nešto slabijih izvoznih rezultata u Bosni i Hercegovini je u K1 2025. godine registriran realni rast izvoza od 0,4%. S druge strane, usljed jačanja domaće tražnje (rast potrošnje i investicija) trend rasta uvoza je nastavljen sa registriranom stopom rasta od 1,6% u odnosu na isti period prethodne godine. Ovakva kretanja izvoza i uvoza djelimično su stabilizirali trend rasta vanjskotrgovinskog deficita, tako da je doprinos istog u strukturi rasta bio nešto povoljniji u odnosu na isti period prethodne godine. Kada je u pitanju analiza ekonomskih kretanja u Bosni i Hercegovini u K2 2025. godine vrijedi istaći da podaci statistike nacionalnih računa *rashodovni pristup* za referentni period nisu bili dostupni za upotrebu. S druge strane, posmatrano po proizvodnom pristupu u K2 2025. godine nastavljen je trend rasta od 1,8% u odnosu na isti period prethodne godine. Uvidom u strukturu ekonomskog rasta po granama može se zaključiti da je sektor usluga najznačajnije doprinosio ekonomskom rastu, dok je sa druge strane industrija (rudarstvo, prerađivačka industrija, energetika) i građevinarstvo imali negativan doprinos ekonomskom rastu. Pregled strukture ekonomskog rasta po proizvodnom pristupu u prvom polugodištu 2025. godine prikazan je na grafikonu.³

Grafikon 3: BDP u Bosni i Hercegovini u P1 2025. godine (proizvodni pristup)



Izvor: BHAS

³ Agencija za statistiku Bosne i Hercegovine, Saopštenje, „Bruto domaći proizvod proizvodni pristup, tromjesečni podaci za K2 2025. godinu“, 30.06.2025. godine.

Pregled makroekonomskih indikatora u 2024. i 2025. godini po mjesecima

		2024.	2025.							
Naziv indikatora	Mjerna jedinica		I	II	III	IV	V	VI	VII	VIII
1. Realni sektor										
*BDP	stopa rasta g/g u %	2,5	N/A	N/A	1,7	N/A	N/A	1,8	N/A	N/A
** Populacija	u milionima	N/A	N/A	N/A	N/A	N/A	N/A	N/A	N/A	N/A
*BDP/per capita	u KM	N/A	N/A	N/A	N/A	N/A	N/A	N/A	N/A	N/A
Fizički obim indust. proizvodnje	stopa rasta g/g u %	-4,2	-0,8	-6,1	-0,6	-0,1	-0,8	2,6	-3,9	-4,6
Prerađivačka industrija	stopa rasta g/g u %	-4,4	0,6	-8,2	-3,7	-1,1	2,2	2,9	-1,2	-2,1
Građevinarstvo	stopa rasta g/g u %	2,8	N/A	N/A	0,4	N/A	N/A	-1,4	N/A	N/A
Maloprodaja	stopa rasta g/g u %	6,4	-1,3	-4,4	-2,9	-1,4	1,1	4,6	-0,1	4,3
Turizam	stopa rasta g/g u %	10,3	8,5	3,9	-5,8	9,2	4,9	-2,5	-8,0	-1,7
2. Tržište rada										
Zaposlenost	u hiljadama	854,7	855,5	853,1	850,3	852,6	852,5	853,3	850,3	N/A
Rast zaposlenosti	stopa rasta g/g u %	0,6	0,7	0,3	-0,1	-0,6	-0,7	-0,6	-0,8	N/A
Nezaposlenost	u hiljadama	328,6	323,6	324,3	324,2	320,0	315,5	316,9	320,9	322,1
Rast nezaposlenosti	stopa rasta g/g u %	-5,8	-5,0	-4,2	-3,3	-3,0	-2,8	-2,7	-2,4	-2,3
Prosječna neto plata	u KM	1.381	1.508	1.506	1.534	1.545	1.574	1.570	1.601	N/A
Nominalni rast prosječne neto plate	stopa rasta g/g u %	9,4	13,5	12,6	13,4	12,4	13,4	14,3	14,8	N/A
3. Vanjski sektor										
Izvoz roba	stopa rasta g/g u %	-3,7	5,1	8,1	8,2	1,0	9,9	3,1	5,2	5,4
Uvoz roba	stopa rasta g/g u %	3,2	9,9	3,6	4,0	2,8	4,2	3,6	4,2	-1,1
Trgovinski bilans	stopa rasta g/g u %	13,7	17,6	-2,2	-0,7	5,5	-2,9	4,2	3,0	-7,6
*Bilans tekućeg računa	udio % BDP	-4,0	N/A	N/A	-8,7	N/A	N/A	N/A	N/A	N/A
***Direktna strana ulaganja	udio % BDP	3,4	N/A	N/A	2,9	N/A	N/A	N/A	N/A	N/A
Devizne rezerve (kraj perioda)	u mlrd. KM	17,6	17,3	17,0	16,9	17,1	16,9	17,1	17,7	17,9
4. Monetarni agregati i cijene										
Inflacija, CPI	stopa rasta g/g u %	1,7	3,3	3,5	3,2	3,4	3,7	4,6	4,8	4,1
Hrana	stopa rasta g/g u %	1,6	5,2	5,7	6,3	7,2	8,0	8,8	9,1	7,4
Goriva i maziva	stopa rasta g/g u %	-3,8	-3,6	-4,2	-8,4	-12,7	-13,7	-10,3	-8,5	-7,2
Proizvođačke cijene (kraj perioda)	stopa rasta g/g u %	2,7	3,3	4,1	3,1	2,9	2,6	2,0	2,1	1,3
M2 (kraj perioda)	stopa rasta g/g u %	9,3	8,9	8,4	7,5	7,8	8,1	8,1	8,4	8,9
5. Bankarski sektor										
Ukupni krediti (kraj perioda)	stopa rasta g/g u %	9,8	9,8	10,1	10,0	10,2	10,2	10,2	9,8	9,5
Ukupni depoziti (kraj perioda)	stopa rasta g/g u %	8,8	8,4	7,8	6,3	7,2	7,6	7,9	9,6	10,4
6. Javne finansije										
Ukupni javni prihodi (porezi, doprinosi, dr.)	stopa rasta g/g u %	9,4	2,6	8,6	9,0	6,9	9,9	13,4	0,9	4,0
Direktni porezi	stopa rasta g/g u %	13,7	1,1	11,9	-0,2	8,3	7,7	14,5	-7,9	3,3
Socijalni doprinosi	stopa rasta g/g u %	10,2	8,2	14,6	15,9	11,7	14,3	15,7	2,4	3,6
Bruto prihodi od indirektnih poreza	stopa rasta g/g u %	8,5	1,2	3,7	8,8	2,6	7,7	11,8	2,7	2,8
Neto prihodi od indirektnih poreza	stopa rasta g/g u %	11,8	-0,3	-0,3	16,1	-0,5	9,0	11,6	2,2	2,2
Neto prihodi od PDV	stopa rasta g/g u %	11,5	0,9	-0,3	18,3	-2,6	9,1	7,4	6,3	0,4
*Javni dug sektora vlade	udio u % BDP	26,8	N/A	N/A	24,1	N/A	N/A	N/A	N/A	N/A

1. U tabeli su prikazani zvanični podaci Agencije za statistiku Bosne i Hercegovine i administrativni podaci određenih institucija u Bosni i Hercegovini.
2. Prikazane stope rasta po mjesecima predstavljaju kretanje pokazatelja u navedenom mjesecu u odnosu na isti mjesec prethodne godine.
3. *označava pokazatelje koji su dostupni samo nivou kvartalnih vremenskih serija (mart- K1), (juni- K2), (septembar- K3) i (decembar- K4).
4. **Posljednji raspoloživi podatak je procjena za 2023. godinu (3,422 miliona). Izvor: BHAS, Demografija 2023.
5. ***Korišteni podaci Bruto domaći proizvod-rashodovni pristup, I kvartal 2025. od 30.06.2025. god. Izvor: BHAS

1. Realni sektor

Kretanje industrijske proizvodnje

Kretanje fizičkog obima industrijske proizvodnje u Bosni i Hercegovini pored proizvodnih procesa u zemlji, u velikoj mjeri je određen ekonomskim kretanjima u glavnim trgovinskim partnerima odnosno izvoznom tražnjom. Obzirom da je u posljednje vrijeme ekonomska aktivnost u zemljama EU bila prilično stagnantna to se odrazilo i na trend kretanja fizičkog obima industrijske proizvodnje u zemlji. Naime, Bosna i Hercegovina već duži vremenski period bilježi trend usporavanja fizičkog obima industrijske proizvodnje. U skladu sa ovim vanjskim kretanjima, Bosna i Hercegovina bilježi niži nivo fizičkog obima industrijske proizvodnje, ovo se naročito odnosi na prerađivačku industriju. Naime, trenutno raspoloživi statistički podaci za 2025. godinu ukazuju da je negativan trend u okviru industrijske proizvodnje u Bosni i Hercegovini nastavljen. Tako je prema podacima BHAS-a za period januar-august 2025. godine u Bosni i Hercegovini registriran pad fizičkog obima industrijske proizvodnje od 1,8% u odnosu na isti period prethodne godine.⁴ S druge strane, ako se posmatra na mjesečnom nivou može se konstatovati da je proizvodnja u augustu 2025. godine u odnosu na isti mjesec prethodne godine smanjena za 3,3%. Tabelarni prikaz kretanja fizičkog obima industrijske proizvodnje u Bosni i Hercegovini po entitetima za period januar-august 2025. godine prikazan je ispod.


Tabela 1: Kretanje fizičkog obima industrijske proizvodnje u P1 2025. godine, po entitetima (stopa rasta u %, g/g)

2025	Federacija Bosne i Hercegovina	Republika Srpska
august	-3,5%	-6,0%
januar-august	-0,5%	-4,3%

Izvor: Federalni zavod za statistiku Federacije Bosne i Hercegovine i Republički zavod za statistiku Republike Srpske

S druge strane, sektorski posmatrano prema podacima BHAS-a u periodu januar-august 2025. godine pad obima proizvodnje u rudarstvu iznosio 4,9%, prerađivačkoj industriji 1,4%, dok je u okviru sektora za proizvodnju električne energije zabilježeno povećanje proizvodnje od 2,1%. Pregled strukture fizičkog obima industrijske proizvodnje po sektorima prikazan je na grafikonu ispod.

Grafikon 4: Kretanje fizičkog obima industrijske proizvodnje u Bosni i Hercegovini, januar-august 2025. godini po sektorima (rast g/g)




Izvor: BHAS

⁴ Agencija za statistiku Bosne i Hercegovine, Saopštenje, „Indeks obima industrijske proizvodnje u Bosni i Hercegovini za august 2025. godine-prethodni podaci“, 26.09.2025. godine.

Na osnovu ovih pokazatelja može se zaključiti da je pad proizvodnje u okviru prerađivačke industrije koja čini 3/4 ukupne industrije i ima visok stepen izvozne orijentacije, predstavljao jedan od ključnih razloga za pad ukupnog obima industrijske proizvodnje u Bosni i Hercegovini u 2025. godini. Kao što je ranije navedeno trendovi kretanja u okviru prerađivačke industrije u Bosni i Hercegovini skoro u potpunosti su determinisani kretanjima iste u glavnim trgovinskim partnerima. Pregled kretanja proizvodnje u okviru prerađivačkih industrija glavnih trgovinskih partnera u periodu januar-august 2025. godine prikazan je na grafikonu ispod.


Grafikon 5: Prerađivačka industrija po zemljama u periodu januar-august 2025. godine (stopa rasta g/g u %)



Izvor: EUROSTAT

S druge strane, posmatrano po granama najznačajnija smanjenja proizvodnje a samim tim i negativan doprinos u okviru ukupne prerađivačke industrije imale su izvozno orijentirane grane proizvodnje. Grafički prikaz kretanja proizvodnje u okviru prerađivačke industrije u Bosni i Hercegovini po granama u periodu januar-august 2025. godine po granama prikazan je ispod.

Grafikon 6: Prerađivačka industrija po granama u periodu januar-august 2025. godine (stopa rasta g/g)



Izvor: BHAS

Maloprodaja

Promet ukupne trgovine u periodu januar-august 2025. godine iznosio je 12 milijardi KM i viši je za 24 miliona KM u odnosu na isti period prethodne godine (rast prometa od 0,2% g/g).

Kod trgovine motornim gorivima u specijaliziranim prodavnicama (u daljem tekstu s.p.) je došlo do porasta prometa za 6,1% g/g (promet je povećan za 127 miliona KM) dok je sa druge strane u trgovini na malo osim trgovine motornim gorivima u s.p. zabilježeno realno smanjenje prometa od 1% g/g (promet je niži za 103 miliona KM).

Tabela 2: Ukupna maloprodaja po entitetima (stopa rasta u %, g/g)


2025. godina	Republika Srpska	Federacija Bosne i Hercegovine
januar-august	8,9	-0,9
august	7,5	0,8

Izvor: Republički zavod za statistiku Republike Srpske⁵, Federalni zavod za statistiku Federacije Bosne i Hercegovine⁶

Podaci prikazani u tabeli iznad se razlikuju od podataka BHAS-a zbog korištenja različitih modela koji se koriste za desezoniranje podataka.

Prema zvaničnim podacima BHAS-a ukupna trgovina na malo u mjesecu augustu 2025. godine, u odnosu na isti mjesec prethodne godine, zabilježila je realan rast prometa od 4,3%⁷ (promet je uvećan za 76 miliona KM). Ovo povećanje prometa je registrovano u obje kategorije, pa je tako u trgovini na malo, osim trgovine motornim gorivima u s.p. zabilježen viši promet za 3,8% g/g (promet u ovoj kategoriji je iznosio 1,52 milijardi KM, što predstavlja porast za 55 miliona KM) dok je u trgovini motornim gorivima na malo u s.p. ostvaren rast prometa za 6,9% g/g (promet 332 miliona KM, uvećan za 21 miliona KM u odnosu na isti mjesec prethodne godine).

Grafikon 7: Ukupna trgovina na malo u Bosni i Hercegovini – u mjesecu augustu (rast g/g u %)⁸



Izvor: BHAS

U mjesecu augustu 2025. godine kod trgovine na malo hranom, pićem i duhanskim proizvodima u nespecijaliziranim prodavnicama (u daljem tekstu n.p.) je zabilježeno smanjenje prometa od 2,9% (promet iznosio 421 miliona KM, promet smanjen za 13 miliona). U trgovini na malo hranom, pićem i duhanskim proizvodima u s.p. je također, u mjesecu augustu 2025.godine,

⁵ Izvor podataka: Republički zavod za statistiku Republike Srpske Trgovina na malo, august 2025.

⁶ Izvor podataka: Federalni zavod za statistiku Federacije Bosne i Hercegovine, Trgovina na malo prvi rezultati za august /kolovoz 2025. godine

⁷ Izvor podataka: BHAS, Indeksi prometa trgovine na malo u Bosni i Hercegovini, august 2025.

⁸ Promet trgovine na malo, realna - kalendarski prilagođena serija, 2006-2025, u milionima KM

registrovano smanjenje prometa za 12,5% g/g (promet je iznosio 31 milion i niži je za 4,4 miliona KM). U okviru trgovine na malo neprehrambenim proizvodima zabilježeno je povećanje prometa u okviru nekoliko kategorija. Trgovina na malo ostalom robom u s.p. u posmatranom mjesecu viša je za 7,9% g/g (promet je uvećan za 53,2 miliona KM), trgovina na malo ostalom opremom za domaćinstvo u s.p. porasla je za 18,5% (odnosno za 23 miliona KM), trgovina na malo proizvodima za kulturu i rekreaciju (porast prometa za 4,5%, odnosno za milion KM). Rast prometa je također zabilježen i u okviru trgovine na malo na štandovima i tržnicama. Sa druge strane smanjenje prometa zabilježeno je u okviru trgovine na malo informacijsko komunikacijskom opremom gdje je promet niži za 16,3% g/g (odnosno 2,9 miliona KM). Kod trgovine ostalom robom u s.p. najveći rast prometa, u mjesecu augustu 2025. godine, od 8,1% g/g zabilježen je u trgovini na malo tekstilom, odjećom, obućom i proizvodima od kože (tačnije iskazano promet je viši za 43,2 miliona KM u odnosu na isti mjesec prethodne godine). U trgovini na malo namještajem, opremom za rasvjetu i električnim aparatima za domaćinstvo promet je porastao za 30,6% g/g (ukupan promet u ovoj kategoriji iznosio je 56 miliona KM i viši je za 13,1 miliona KM). Promet u trgovini na malo sportskom opremom, igrama i igračkama viši je za 5,4% g/g (odnosno za milion KM). Izuzetak u okviru trgovine ostalom robom u s.p. predstavlja promet u apotekama, trgovini na malo medicinskim i kozmetičkim preparatima gdje je zabilježeno smanjenje prometa za 5% g/g (promet 119 milion KM, smanjenje prometa za 6,3 miliona KM).

Tržište rada

Podatak o broju zaposlenih lica u Bosni i Hercegovini za avgust 2025. godine nije objavljen u periodu pripreme Informacije, pa se podaci u tekstu odnose na juli 2025. godine.

U julu 2025. godine broj zaposlenih lica u Bosni i Hercegovini je iznosio oko 850,3⁹ hiljada i manji je u odnosu na juli 2024. godine za 0,8%. Negativan rast broja zaposlenih posljedica je smanjenja broja zaposlenih lica u nekoliko djelatnosti.¹⁰ Pri tome se posebno ističe djelatnost industrijske proizvodnje. Broj zaposlenih lica u području djelatnosti prerađivačke industrije u julu 2025. godine je smanjen za 3,4% g/g, kao i djelatnosti vađenja ruda i kamena 2,2% g/g (negativan doprinos rastu broja zaposlenih u Bosni i Hercegovini od 0,7 p.p.). Pored industrije, u djelatnosti pružanja smještaja, te pripreme i usluživanja hrane broj zaposlenih lica je smanjen za 1,5% g/g (negativan doprinos rastu broja zaposlenih u Bosni i Hercegovini od 0,1 p.p.). S druge strane, unutar djelatnosti koje su u posmatranom mjesecu zabilježile rast broja zaposlenih ističe se djelatnost zdravstvene i socijalne zaštite gdje je broj zaposlenih lica uvećan za 2,1% uz doprinos rastu od 0,2 p.p. Sve ostale djelatnosti imale su manji doprinos rastu ukupnog broja zaposlenih lica (0,1 p.p. ili manje). Važno je napomenuti da je u djelatnosti trgovine na veliko i malo, popravka motornih vozila i motocikala broj zaposlenih je uvećan samo 0,1% g/g, što je značajno jer oko 18,5% od ukupno zaposlenih radi u ovoj djelatnosti. Broj zaposlenih lica po entitetima predstavljen je u tabeli ispod.

⁹ Privremeni podatak, izvor BHAS.

¹⁰ Poljoprivreda, šumarstvo i ribolov, snabdijevanje vodom; uklanjanje otpadnih voda, upravljanje otpadom, te djelatnosti sanacije okoliša, građevinarstvo, prevoz i skladištenje, poslovanje nekretninama, stručne, naučne i tehničke djelatnosti, ostale uslužne djelatnosti i sl.

Tabela 3: Broj zaposlenih¹¹ lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	854.743	0,6%	547.660	1,2%	289.722	-0,3%
I 2025	855.504	0,7%	547.291	1,0%	-	-
II 2025	853.138	0,3%	545.427	0,5%	-	-
III 2025	850.288	-0,1%	543.165	0,0%	289.328	-0,1%
I-III 2025	852.977	0,3%	545.294	0,5%	289.328	-0,1%
IV 2025	852.555	-0,6%	545.517	-0,2%	-	-
V 2025	852.517	-0,7%	546.452	-0,4%	-	-
VI 2025	853.348	-0,6%	547.601	-0,3%	-	-
I-VI 2025	852.892	-0,2%	545.909	0,1%	289.328	-0,1%
VII 2025	850.270	-0,8%	544.379	-0,6%	-	-

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Prema podacima zavoda za zapošljavanje broj registrovanih nezaposlenih lica u Bosni i Hercegovini u avgustu 2025. godine je iznosio 322,1 hiljada i manji za 2,3% u odnosu na avgust 2024. godine. Anketni podaci za K2 2025. godine pokazuju da je stopa nezaposlenosti u Bosni i Hercegovini iznosila 13,1% i smanjena je u odnosu na K1 za 0,3 p.p. U Federaciji Bosne i Hercegovine anketna stopa nezaposlenosti u K2 je iznosila 14,5%, dok je u Republici Srpskoj iznosila 9,9%. Pregled broja registrovanih nezaposlenih lica po mjesecima i entitetima predstavljen je u tabeli ispod.

Tabela 4: Broj registrovanih nezaposlenih lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	328.623	-5,8%	260.298	-6,1%	56.323	-7,8%
I 2025	323.628	-5,0%	257.914	-4,1%	53.956	-8,6%
II 2025	324.314	-4,2%	258.831	-3,1%	53.749	-8,7%
III 2025	324.233	-3,3%	259.278	-2,1%	53.279	-8,7%
I-III 2025	324.058	-4,2%	258.674	-3,1%	53.661	-8,7%
IV 2025	320.036	-3,0%	255.881	-1,8%	52.552	-8,4%
V 2025	315.494	-2,8%	252.275	-1,5%	51.622	-8,5%
VI 2025	316.927	-2,7%	253.945	-1,4%	51.452	-8,2%
I-VI 2025	320.772	-3,5%	256.354	-2,3%	52.768	-8,5%
VII 2025	320.940	-2,4%	258.035	-1,2%	51.361	-7,8%
VIII 2025	322.121	-2,3%	259.338	-1,2%	51.134	-8,2%

Izvor: Agencija za statistiku Bosne i Hercegovine, Agencija za rad i zapošljavanje Bosne i Hercegovine, Zavod za zapošljavanje Republike Srpske, Federalni zavod za zapošljavanje Federacije Bosne i Hercegovine

Podatak o prosječnoj neto plati u Bosni i Hercegovini za avgust 2025. godine nije objavljen u periodu pripreme Informacije, pa se podaci u tekstu odnose na juli 2025. godine.

U julu 2025. godine registrovan je rast prosječne neto plate u svim područjima djelatnosti. Prosječna neto plata u Bosni i Hercegovini u julu 2025. godine iznosila je 1.601 KM i nominalno je veća za 14,8% u odnosu na juli 2024. godine.¹² Realni rast prosječne neto plate bio je nešto sporiji (9,5%) uzimajući u obzir inflaciju. Pregled prosječnih neto plata po entitetima predstavljen je u tabeli ispod.

¹¹ Podaci o broju zaposlenih lica za Bosnu i Hercegovinu u tabeli do kraja marta 2025. godine su konačni, a nakon toga podaci su privremeni. U Republici Srpskoj podaci o broju zaposlenih lica se objavljuju za mart i septembar svake godine.

¹² Bitno je napomenuti da je početkom 2025. godine došlo do uvećanja najnižih plata u oba entiteta što doprinosi rastu prosječne neto plate.

Posmatrajući neto plate prema područjima djelatnosti, najveća nominalna stopa rasta neto plate u julu 2025. godine u odnosu na isti mjesec prethodne godine bila je u području djelatnosti pružanja smještaja, te pripreme i usluživanja hrane (25,1% g/g), građevinarstvu (20,5% g/g), djelatnosti trgovine na veliko i malo, popravka motornih vozila i motocikala (19,9%), umjetnosti, zabave i rekreacije (19,6%) te prerađivačke industrije (18,4% g/g).

U posmatranom mjesecu najniža prosječna isplaćena neto plata bila je u djelatnosti pružanja smještaja, te pripreme i usluživanja hrane (1.142 KM), a najveća prosječna isplaćena neto plata bila je u području informacija i komunikacija (2.187), finansijske djelatnosti i djelatnosti osiguranja (2.149 KM) te djelatnosti zdravstvene i socijalne zaštite (2.110 KM).

Tabela 5: Prosječna neto plata (u KM) i nom. stope rasta u odnosu na isti period prethodne godine

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	1.381	9,4%	1.373	8,9%	1.404	10,2%
I 2025	1.508	13,5%	1.546	15,5%	1.434	9,3%
II 2025	1.506	12,6%	1.525	16,0%	1.475	6,0%
III 2025	1.534	13,4%	1.565	17,2%	1.476	5,9%
I-III 2025	1.516	13,1%	1.545	16,3%	1.462	7,0%
IV 2025	1.545	12,4%	1.583	16,1%	1.473	5,2%
V 2025	1.574	13,4%	1.590	14,9%	1.549	10,4%
VI 2025	1.570	14,3%	1.577	16,7%	1.564	9,7%
I-VI 2025	1.539	13,2%	1.564	16,0%	1.495	7,7%
VII 2025	1.601	14,8%	1.628	17,4%	1.556	9,9%

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U avgustu 2025. godine ukupan broj penzionera koji primaju samostalne penzije iznosio je 664,5¹³ hiljada i u odnosu na avgust prethodne godine uvećan je za 1,7%. Prosječna samostalna penzija u Bosni i Hercegovini u avgustu 2025. godine iznosila je oko 713¹⁴ KM i u odnosu na avgust 2024. godine nominalno je veća za 6,9%. Rast prosječne penzije rezultat je uvećanja penzija u oba entiteta (tabela ispod).¹⁵ Najniža penzija u avgustu 2025. godine u Federaciji Bosne i Hercegovine nije se mijenjala u odnosu na prethodni mjesec i iznosila je 599,3 KM, dok je u Republici Srpskoj uvećana i iznosila 328,2¹⁶ KM za penzijski staž do 15. godina.

¹³ Broj penzionera u Bosni i Hercegovini u analizi predstavlja zbir penzionera koji primaju samostalne penzije od Federalnog zavoda za penzijsko i invalidsko osiguranje i Fonda za penzijsko i invalidsko osiguranje Republike Srpske bez obzira na mjesto prebivališta (u ili izvan Bosne i Hercegovine). Uzme li se u obzir i broj korisnika srazmjerne penzije u Federaciji Bosne i Hercegovine ukupan broj penzionera u Bosni i Hercegovini iznosi oko 752,4 hiljada. Podaci o srazmjernim penzijama u Republici Srpskoj nisu objavljeni u statističkom biltenu.

¹⁴ Prosječna samostalna penzija u Bosni i Hercegovini je izračunata na osnovu prosječnih samostalnih mjesečnih penzija ponderisanih udjelom ukupnog broja penzionera u svakom od entiteta u ukupnom broju penzionera. Uzme li se u obzir i broj korisnika srazmjerne penzije u Federaciji Bosne i Hercegovine prosječna penzija u Bosni i Hercegovini iznosi oko 651,5 KM. Podaci o srazmjernim penzijama u Republici Srpskoj nisu objavljeni u statističkom biltenu.

¹⁵ U Republici Srpskoj penzije ostvarene do 31. decembra 2024. godine svim korisnicima prava usklađene su od 01. januara 2025. godine i povećane za 6%. Pored toga, penzije za sve korisnike, počevši od 1. avgusta 2025. godine vanredno su usklađene i povećane za 3%. Izvor: Fond za penzijsko i invalidsko osiguranje Republike Srpske.

U Federaciji Bosne i Hercegovine na osnovu Odluke Upravnog odbora Federalnog zavoda za MIO/PIO o redovnom usklađivanju, penzije u aprilu 2025. godine su uvećane za 4,49%. S obzirom na to da se redovno usklađivanje primjenjuje retroaktivno od 1. januara 2025. godine, korisnicima je prilikom isplate za april isplaćena i razlika između ranije isplaćenih i uvećanih penzija za prva tri mjeseca tekuće godine. Izvor: Federalni zavod za penzijsko i invalidsko osiguranje.

¹⁶ U Republici Srpskoj za penzijski staž 15-20 godina najniža penzija je iznosila 393,87 KM, za penzijski staž 20-30 godina iznosila je 459,53 KM, za penzijski staž 30-40 godina iznosila je 525,23 KM i za penzijski staž 40 i više godina najniža penzija je iznosila 656,55 KM.

Tabela 6: Prosječna samostalna penzija (u KM)

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
XII 2024	667,5	8,2%	724,6	7,3%	594,4	9,8%
I 2025	683,7	3,8%	725,2	2,1%	630,3	6,5%
II 2025	684,0	3,8%	725,3	2,1%	630,9	6,6%
III 2025	684,7	3,8%	726,4	2,1%	631,3	6,6%
IV 2025	703,3	5,7%	759,4	5,1%	631,6	6,6%
V 2025	703,6	5,7%	759,7	5,1%	631,7	6,6%
VI 2025	703,8	5,7%	760,0	5,2%	632,0	6,6%
VII 2025	704,2	5,7%	760,4	5,2%	632,4	6,6%
VIII 2025	712,7	6,9%	760,6	5,1%	651,6	9,8%

Izvor: Federalni zavod za penzijsko i invalidsko osiguranje Federacije Bosne i Hercegovine, Fond za penzijsko i invalidsko osiguranje Republike Srpske

2. Javne finansije

U poređenju sa prethodnim mjesecom, ukupno prikupljeni javni prihodi u avgustu mjesecu 2025. godine, ostvarili su nešto višu stopu rasta (3,3% g/g). Posmatrajući javne prihode kumulativno, stopa rasta je stabilna i iznosila je oko 8,0% g/g. Na rast su u malo većoj mjeri više uticali prihodi prikupljeni od strane entitetskih poreskih uprava¹⁷. Ukupni javni prihodi u periodu januar - avgust 2025. godine su iznosili oko 16,7 milijardi KM.

Indirektni porezi

Od 01.01.2025. na snazi je Odluka o utvrđivanju posebne i minimalne akcize na cigarete i duvan za pušenje za 2025. godinu¹⁸.

Naplaćeni prihodi. U avgustu mjesecu 2025. godine nastavlja se skroman rast bruto prihoda od indirektnih poreza (2,8% g/g). Iako, skromna, pozitivna je, što se svakako odrazilo na kretanje prihoda od indirektnih poreza, posmatranih kumulativno. U periodu januar - avgust posmatrane godine Uprava za indirektno oporezivanje Bosne i Hercegovine (UIO) je ukupno prikupila oko 7,9 milijardi KM bruto prihoda, što je za oko 5,1% više u poređenju sa istim periodom prethodne godine. Rast povrata novčanih sredstava sa Jedinstvenog računa UIO (JR UIO), prisutan od početka godine, značajno se odrazio na neto naplatu, koja je ostvarila rast od oko 4,8% g/g. Neto prihodi od indirektnih poreza, u posmatranom periodu, su iznosili oko 6,4 milijardi KM.

Sve kategorije prihoda od indirektnih poreza su dale pozitivan doprinos stopi rasta neto prihoda, a značajni su: porez na dodatu vrijednost (PDV) od 2,9 p.p. i prihodi od akciza 1,2 p.p..

¹⁷ O ovim mjerama pisano je detaljnije u prethodnoj Informaciji.

¹⁸ Odluka o utvrđivanju posebne i minimalne akcize na cigarete i iznos akcize na duvan za pušenje za 2025. godinu („Službeni glasnik BiH“, broj 84/24), a koja se primjenjuje od 01.01.2025. godine. Odlukom je definisano da se od 01.01.2025. godine, na cigarete i duvan za pušenje plaća sljedeća akciza i to :

a) proporcionalna akciza, po stopi od 42% na osnovicu utvrđenu u skladu sa članom 15. stav (1) tačka b) Zakona o akcizama u Bosni i Hercegovini („Službeni glasnik BiH“, br. 49/09, 49/14, 60/14, 91/17 i 50/22, u daljnjem tekstu: Zakon) i

b) specifična akciza u iznosu od 82,50 KM za 1.000 komada, odnosno 1,65 KM za pakovanje cigareta od 20 komada

Akciza na duvan za pušenje utvrđuje se u visini od 80% minimalne akcize, utvrđene u članu 3. stav (3) ove odluke i iznosi 143,20 KM po kilogramu.

<http://www.sluzbenilist.ba/page/akt/pS4G2Sohz4nh78h777kohz4nh78h77c=>

Tabela 7: Naplata i raspodjela prihoda od indirektnih poreza (rast g/g u % ako nije drugačije naznačeno)

	struktura 2025	jan-avg 2024	jan-avg 2025	jun 2025	jul 2025	avg 2025
Bruto prihodi - prikupljeno	100,0	8,3	5,1	11,8	2,7	2,8
<i>Povrati</i>	18,1	-6,5	6,4	11,9	4,9	5,8
Neto prihodi - prikupljeno	81,9	12,2	4,8	11,7	2,3	2,2
<i>PDV</i>	54,0	12,7	4,5	7,4	6,2	0,3
<i>Carine</i>	5,0	16,2	6,4	9,9	9,5	-0,6
<i>Akcize</i>	16,0	11,9	6,2	24,6	-11,2	12,8
<i>Putarine</i>	6,4	8,7	2,6	15,2	-0,4	-6,0
<i>Ostali prihodi</i>	0,2	16,7	-5,8	4,4	1,0	-4,6
<i>Neusklađeni prihodi</i>	0,3	-27,2	11,7	...	-3,2	...
Raspoloživo za raspodjelu	100,0	8,2	5,2	10,4	3,2	3,6
<i>Minimalne rezerve</i>	18,5	-6,3	6,4	11,7	5,2	5,7
Budžeti	81,5	12,1	4,9	10,1	2,8	3,2
Servisiranje vanjskog duga	12,1	12,6	-12,0	-5,2	-65,3	-6,0
<i>Federacija Bosne i Hercegovine</i>	7,9	12,9	-13,0	-3,2	-64,2	-6,8
<i>Republika Srpska</i>	4,0	11,8	-10,1	-13,1	-66,6	-4,5
<i>Brčko Distrikt</i>	0,1	22,4	-5,7	0,0	-96,7	-3,7
Raspodjeljeno nakon servisiranja vanjskog duga	69,4	12,1	7,8	11,0	14,6	4,6
<i>Institucije Bosne i Hercegovine</i>	8,9	0,0	-2,5	3,6	-1,3	-5,8
<i>Federacija Bosne i Hercegovine</i>	36,9	12,4	9,9	12,1	17,0	6,4
<i>Republika Srpska</i>	21,1	17,3	8,8	11,6	17,6	5,7
<i>Brčko Distrikt</i>	2,4	13,6	6,4	10,9	6,5	4,6

Izvor: UIO Bosne i Hercegovine

PDV. U avgustu mjesecu bruto prihodi po osnovu PDV-a bilježe najnižu stopu rasta od početka posmatrane godine (1,6% g/g). Niska stopa je ostvarena usljed smanjenja prihoda po osnovu uvoznog PDV-a (1,2% g/g). Posmatrano kumulativno, nema nekih većih odstupanja u poređenju sa prethodno posmatranim periodima. U periodu januar - avgust 2025. godine, bruto prihodi su iznosili oko 5,6 milijardi KM, što je za 5,1% više nego u istom periodu prethodne godine. Neto prihodi po osnovu PDV-a, tokom istog perioda, su iznosili oko 4,2 milijarde KM, čime su ostvarili rast od oko 4,5% g/g. Tokom posmatranog perioda, prihodi od PDV-a po osnovu uvoza roba veći su za oko 4,5% g/g, a prihodi naplaćeni iz prometa domaćih roba i usluga za oko 6,5% g/g.

Akcize. Nakon negativnog rasta ostvarenog u prethodnom mjesecu, prihodi od akciza u avgustu mjesecu tekuće godine su ostvarili dvocifrenu stopu rasta. Posmatrano kumulativno, tokom prvih osam mjeseci, prihodi od akciza, su iznosili oko 1,3 milijarde KM bruto prihoda, što je rast za oko 5,8% g/g. Prihodi od uvoza akciza rasli su stopom od oko 5,8% g/g, dok su prihodi po osnovu domaćih akciza ostvarili rast od oko 6,2% g/g. Ukupni prihodi od akciza na naftu i derivate nafte su ostvarili rast od oko 2,5% g/g, prihodi od akciza na duvan i duvanske prerađevine viši su za oko 8,2% g/g, dok su prihodi od ostalih akciza ostali nepromijenjeni.

Carine. Bruto prihodi od carinskih dažbina u periodu januar - avgust 2025. godine su iznosili oko 399 miliona KM, čime su ostvarili rast od oko 6,4% g/g.

Raspoređeni prihodi. U periodu januar - avgust 2025. godine, ukupni prihodi raspoloživi za raspodjelu su iznosili oko 7,9 milijardi KM. Nakon izdvajanja sredstava za izgradnju autoputeva i izgradnju i rekonstrukciju drugih puteva u Bosni i Hercegovini u iznosu od oko 304 miliona KM, minimalne rezerve u iznosu od oko 1,4 milijarde KM i sredstava za finansiranje institucija Bosne i Hercegovine u iznosu od 662 miliona KM, UIO Bosne i Hercegovine, je izvršila raspored preostalih sredstava u iznosu od oko 5,5 milijardi KM krajnjim korisnicima prema važećim koeficijentima¹⁹. Od tog iznosa Federaciji Bosne i

¹⁹ Odlukom Upravnog odbora UIO Bosne i Hercegovine, broj: 02-02-15-3-1/23 od 04.09.2023. godine, utvrđeni su privremeni koeficijenti raspodjele sredstava sa Jedinstvenog računa za period jul-septembar 2023. godine, i isti iznose: BiH 62,01%, RS 34,44%, Brčko Distrikt BiH 3,55%.

Hercegovine je doznačeno ukupno oko 3,4 milijarde KM (za servis vanjskog duga oko 522 miliona KM), Republici Srpskoj oko 1,9 milijardi KM (za servis vanjskog duga oko 266 miliona KM) i Brčko Distriktu oko 194 miliona KM (za servis vanjskog duga oko 8 miliona KM). U poređenju sa istim periodom prethodne godine raspoređena sredstva sa jedinstvenog računa UIO za servis vanjskog duga su manja za oko 12,0% g/g, a doznačena sredstva krajnjim korisnicima, nakon servisiranja obaveza vanjskog duga za 7,8%.

Direktni porezi, doprinosi i neporeski prihodi

Od januara 2025. godine, u primjeni su zakonski akti i mjere koje su donijele i primjenjuju, obje entitetske vlade, koje će se u narednom periodu svakako odraziti na prihode entitetskih poreskih uprava, a o čemu je detaljnije pisano u prethodnim Informacijama²⁰.

Sa početkom druge polovine godine, na snazi je izmjena Zakona o doprinosima u Federaciji Bosne i Hercegovine, o čemu je pisano u prethodnoj Informaciji²¹.

Tabela 8: Prihodi od direktnih poreza, doprinosa, taksi, naknada i kazni u periodu januar-avg

Naziv prihoda	Federacija Bosne i Hercegovine			Republika Srpska			Bosna i Hercegovina		
	miliona KM		rast u %	miliona KM		rast u %	miliona KM		rast u %
	2024	2025		2024	2025		2024	2025	
Direktni porezi	1.089,4	1.211,9	11,2	681,3	692,4	1,6	1.770,7	1.904,3	7,5
Porez na dohodak	505,6	615,1	21,7	274,7	317,7	15,6	780,4	932,8	19,5
Porez na dobit	485,9	489,4	0,7	367,9	331,9	-9,8	853,8	821,3	-3,8
Porezi građana	97,6	107,0	9,7	38,7	42,8	10,7	136,3	149,8	10,0
Ostali porezi	0,3	0,3	-6,5	0,0	0,0	-	0,3	0,3	-6,5
Takse, kazne i naknade	560,8	586,5	4,6	384,5	410,9	6,9	945,3	997,4	5,5
Doprinosi	3.593,9	4.103,1	14,2	1.653,2	1.814,0	9,7	5.247,2	5.817,1	12,8
PIO	2.011,1	2.276,7	13,2	993,0	1.093,9	10,2	3.004,1	3.370,5	12,2
Zdravstvo	1.417,7	1.633,2	15,2	540,0	588,9	9,1	1.957,6	2.222,1	13,5
Nezaposleni	165,2	193,1	16,9	30,8	33,8	9,6	196,0	226,9	15,8
Dječija zaštita	0,0	0,0	-	83,4	90,8	8,9	83,4	90,8	8,9
Zapošljavanje invalida	0,0	0,0	-	6,1	6,7	10,3	6,1	6,7	10,3
Ostali prihodi	0,3	0,4	41,3	0,1	0,0	-36,8	0,4	0,5	29,6
UKUPNO	5.244,4	5.901,8	12,5	2.719,1	2.917,4	7,3	7.963,6	8.819,2	10,7

Izvor: entitetske poreske uprave

Uprkos oscilacijama u naplati pojedinih kategorija prihoda iz nadležnosti entitetskih poreskih uprava na mjesečnom nivou, posmatrano kumulativno, prihodi entitetskih poreskih uprava su zadržali pozitivne trendove u kretanju, što se može vidjeti iz tabele iznad. Za prvih osam mjeseci entitetske poreske uprave ukupno su prikupile oko 8,8 milijardi KM javnih prihoda, što je za oko 10,7% više nego u istom periodu prethodne godine.

²⁰ <https://fbihvlada.gov.ba/bs/utvrdena-najniza-plata-za-2025-godinu-u-iznosu-od-1000-km>

<https://fbihvlada.gov.ba/bs/11-uredbe-o-isplati-pomoci-od-strane-poslodavca>;

<https://www.pufbih.ba/v1/novosti/3181/obavijest-u-vezi-primjene-uredbe-o-isplati-pomoi-radnicima-od-strane-poslodavca>

<https://erp.slglasnik.org/erp/slglasnik.org/rs/sgrs/vlada-republike-srpske/odluka/2025/6/15900>

1) Najniža plata u Republici Srpskoj utvrđuje se u bruto iznosu od 1.344,26 KM, odnosno u neto iznosu od 900,00 KM.

2) Najniža plata za poslove za čije obavljanje se zahtijeva najmanje stečeno srednje obrazovanje u trajanju od tri godine utvrđuje se u bruto iznosu od 1.426,23 KM, odnosno u neto iznosu od 950,00 KM.

3) Najniža plata za poslove za čije obavljanje se zahtijeva najmanje stečeno srednje obrazovanje u trajanju od četiri godine utvrđuje se u bruto iznosu od 1.508,20 KM, odnosno u neto iznosu od 1.000,00 KM.

4) Najniža plata za poslove za čije obavljanje se zahtijeva najmanje stečeno više obrazovanje utvrđuje se u bruto iznosu od 2.000,00 KM, odnosno u neto iznosu od 1.300,00 KM.

²¹ Navedena izmjena Zakona predstavlja olakšicu za poslodavce, a odnosi se na smanjenje zbirne stope doprinosa sa 41,5% na 36%, odnosno sa 10,5% na 5% koje idu direktno na teret poslodavca. Nove stope doprinosa (na teret poslodavca): 1. Penzijsko i invalidsko osiguranje sa 6,00% na 2,50%; 2. Osnovno zdravstveno osiguranje sa 4,00% na 2,00%;

Socijalni doprinosi. U periodu januar - avgust 2025. godine, po osnovu socijalnih doprinosa, prikupljeno je oko 5,8 milijardi KM. Navedeni prihodi su zadržali dvocifrenu stopu rasta koja je iznosila oko 12,8% g/g. Posmatrajući pojedinačne kategorije prihoda od doprinosa, uočava se da one bilježe ujednačene stope rasta, i što je rezultat primjene vladinih mjera u oblasti plata. Kao što je ranije spomenuto, na mjesečnom nivou, usljed promjena u regulativi, navedeni prihodi su ostvarili rast od svega 3,6% u poređenju sa istim mjesecom prethodne godine.

Direktni porezi. Po osnovu prihoda od direktnih poreza, u toku posmatranog perioda, prikupljeno je oko 1,9 milijardi KM, čime su ostvarili rast od oko 7,5% g/g. Prihodi po osnovu poreza na dohodak su ostvarili značajnu dvocifrenu stopu rasta, kao rezultat povećanja plata. Sa druge strane, smanjenje prihoda po osnovu poreza na dobit, značajno ublažava rast ove kategorije prihoda. Iako podaci poreskih uprava ukazuju na povećanje privrednih subjekata (prema broju novoregistrovanih poslovnih subjekata), pretpostavka je da je njihovo poslovanje u prethodnoj godini bilo negativno.

Takse, kazne i naknade. Po osnovu različitih taksi, naknada i kazni, tokom posmatranog perioda 2025. godine, ukupno je naplaćeno oko 997 miliona KM, što je za oko 5,5% više nego u istom periodu prethodne godine. Naplata ove vrste prihoda je stabilna i ukazuje na pooštavanje fiskalne discipline i inspekcijaskog nadzora. Na rast prihoda u navedenoj kategoriji najveći doprinos su imali povećani prihodi po osnovi naknada za priređivanje igara na sreću, naknada (prihodi od zemljišne rente, komunalna taksa za korišćenje reklamnih panoa, naknada za uređivanje građevinskog zemljišta, korišćenje šume) i raznih kazni (najvećim dijelom, prekršajne kazne).

3. Cijene i finansijski sektor

Cijene

U Bosni i Hercegovini je u avgustu 2025. godine zabilježena inflacija od 4,1% u odnosu na isti mjesec prethodne godine. Ukupan nivo cijena u periodu I-VIII 2025. godine bio je veći za 3,8% g/g. U posmatranom periodu inflacija u Federaciji Bosne i Hercegovine je iznosila 3,5% a u Republici Srpskoj 4%. Poređenja radi, prema podacima EUROSTAT-a inflacija u EU 27 u avgustu 2025. godine iznosila je 2,4% g/g odnosno u prosjeku perioda I-VIII je iznosila 2,5% g/g.

Tabela 9: Indeks potrošačkih cijena (poređenje sa istim periodom prethodne godine)

Period	Bosna i Hercegovina	Federacija Bosne i Hercegovine	Republika Srpska
I-XII 2024	101,7	101,4	101,8
I 2025	103,3	103,3	103,2
II 2025	103,5	103,4	103,6
III 2025	103,2	103,0	103,3
IV 2025	103,4	103,0	103,6
V 2025	103,7	103,2	104,1
VI 2025	104,6	104,2	104,7
VII 2025	104,8	104,5	105,0
VIII 2025	104,1	103,6	104,5
I-VIII 2025	103,8	103,5	104,0

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Rast cijena u Bosni i Hercegovini u posmatranom periodu bio je najznačajniji u odjeljcima hrane i bezalkoholnih pića, ostalih dobara i usluga, a zatim zdravstva, alkoholnih pića i duvana, restorana i hotela.

U periodu I-VIII 2025. godine cijene u odjeljku hrane i bezalkoholnih pića su uvećane za 8,9% g/g. Uz rast cijena hrane primjetan je rast cijena u odjeljku hotela i restorana za 6,6% g/g. Nakon ovih odjeljaka ističe se rast cijena u odjeljku zdravstava od 6,4% g/g. U odjeljku alkoholnih pića i duvana u periodu I-VIII 2025. godine cijene su uvećane za 4,1% g/g uz poskupljenja cigareta od strane pojedinih proizvođača tokom februara i juna. Pored toga, od 1. januara 2025. godine stupila je na snagu Odluka o utvrđivanju specifične i minimalne akcize²² na cigarete i duvan za 2025. godinu.

Tabela 10: Indeks potrošačkih cijena u Bosni i Hercegovini

Odjeljak	<u>I</u> <u>2025</u> <u>I</u> <u>2024</u>	<u>II 2025</u> <u>II 2024</u>	<u>III</u> <u>2025</u> <u>III</u> <u>2024</u>	<u>IV 2025</u> <u>IV 2024</u>	<u>V 2025</u> <u>V 2024</u>	<u>VI 2025</u> <u>VI 2024</u>	<u>VII 2025</u> <u>VII 2024</u>	<u>VIII 2025</u> <u>VIII 2024</u>	<u>I-VIII 2025</u> <u>I-VIII 2024</u>
00 Ukupan indeks	103,3	103,5	103,2	103,4	103,7	104,6	104,8	104,1	103,8
01 Hrana i bezalkoholna pića	106,3	107,2	107,8	108,9	109,9	110,8	110,8	109,2	108,9
02 Alkoholna pića i duvan	104,3	105,6	103,9	104,0	104,0	103,8	103,7	103,7	104,1
03 Odjeća i obuća	91,3	91,1	90,8	104,0	91,8	92,5	94,7	94,3	92,2
04 Stanovanje, voda, el. energija, plin i dr. energenti	100,8	100,4	100,6	101,0	100,2	101,0	101,4	100,2	100,7
05 Namještaj, kućni uređaji i redovno održavanje kuće	99,6	100,0	98,9	99,4	100,6	101,1	101,0	101,1	100,2
06 Zdravstvo	107,0	106,8	106,3	106,3	106,4	106,4	106,1	106,1	106,4
07 Prevoz	99,8	99,2	96,9	94,4	93,6	95,7	96,8	97,3	96,7
08 Komunikacije	100,3	100,2	100,2	100,2	100,4	100,4	100,3	100,3	100,3
09 Rekreacija i kultura	103,4	103,4	103,1	103,3	104,4	104,9	104,9	104,9	104,0
10 Obrazovanje	100,5	100,6	100,6	100,6	100,8	101,9	101,9	102,4	101,2
11 Restorani i hoteli	107,1	105,9	105,8	105,8	106,2	107,2	107,5	107,2	106,6
12 Ostala dobra i usluge	103,4	103,3	102,8	102,7	103,0	103,4	103,8	103,5	103,3

Izvor: Agencija za statistiku Bosne i Hercegovine


Međugodišnje smanjenje cijena plina, tečnih i čvrstih goriva, u periodu I-VIII 2025. godine imali su negativan doprinos rastu cijena u odjeljku stanovanja. S druge strane, rast cijena vodosnabdijevanja, električne energije, toplotne energije (centralno grijanje), najamnina za stanovanje, održavanja i popravke stana uticali su na rast cijena u odjeljku stanovanja, vode, električne energije, plina i drugih energenata od 0,7% g/g. Na taj način ovaj odjeljak nije imao veliki doprinos rastu ukupne inflacije.

U periodu I-VIII 2025. godine jedino je u odjeljku odjeće i obuće zabilježeno smanjenje cijena od 7,8% g/g kao i odjeljku prevoza od 3,3% g/g. U avgustu 2025. godine registrovano je smanjenje cijene sirove nafte na svjetskom tržištu energenata u odnosu na juli 2025. godine (-3,6%), ali i u odnosu na isti mjesec prethodne godine (-14,6% g/g). Cijena sirove nafte u

²² Upravni odbor Uprave za indirektno oporezivanje donio je Odluku o utvrđivanju specifične i minimalne akcize na cigarete i iznos akcize na duvan za pušenje za 2025. godinu. Minimalna akciza za pakovanje cigareta od 20 komada iznosi 3,58 KM (u 2024. godini je iznosila 3,46 KM), a specifična akciza iznosi 1,65 KM za pakovanje cigareta od 20 komada (ostala je ista u odnosu na 2024. godinu). Akciza na duvan za pušenje utvrđuje se u visini od 80% minimalne akcize na cigarete utvrđene u članu 3. stav (3) ove odluke iznosi 143,20 KM po kilogramu (u 2024. godini je iznosila 138,4 KM po kilogramu). Izvor: Odluka o utvrđivanju specifične i minimalne akcize na cigarete i iznos akcize na duvan za pušenje za 2025. godinu.

avgustu je iznosila 66,7 \$/barelu. Slično kretanje imao je i indeks cijena gasa. Cijena prirodnog gasa (Evropa) u avgustu 2025. godine je niža za 9,9% g/g. Vrijednost indeksa hrane u avgustu 2025. godine takođe je bila niža u odnosu na avgust 2024. godine (-3,9% g/g), što se može vidjeti na grafikonu ispod, ali je niža i u odnosu na prethodni mjesec.

Grafikon 8: Kretanje cijena sirove nafte, prirodnog gasa i indeksa hrane na svjetskom tržištu




Izvor: Svjetska banka

Berze u Bosni i Hercegovini

Promet na Banjalučkoj berzi (u daljem tekstu BLSE) u mjesecu avgustu je uz stopu rasta od 3,8% g/g dostigao 60,1 mil. KM. Ovaj iznos predstavlja 89,7% ostvarenog prometa u Bosni i Hercegovini. U ovom mjesecu je putem javne ponude obveznica za emitenta Republika Srpska prikupljeno 54,8 mil. KM.


Grafikon 9: Promet na BLSE u milionima KM



Izvor: BLSE

Promet na sarajevskoj berzi (u daljem tekstu SASE) u mjesecu avgustu 2025. god. je uz stopu od 9,4% g/g dostigao svega 6,9 mil. KM. U ovom mjesecu na SASE nisu organizovane javne emisije obveznica i trezorskih zapisa.

Grafikon 10: Promet na SASE u milionima KM



Izvor: SASE

Ukupan promet na SASE i BLSE u avgustu 2025. godine je dostigao 67,0 mil. KM uz stopu rasta od 4,3 % g/g.


Tabela 11: Ukupan promet (u KM) na kraju osmog mjeseca na SASE i BLSE

Godina	SASE	BLSE	UKUPNO
Aug-23	825.936,1	84.659.895,7	85.485.831,8
Aug-24	6.286.323,7	57.963.898,1	64.250.221,8
Aug-25	6.875.945,3	60.144.401,2	67.020.346,5

Izvor: SASE i BLSE

Kapitalizacija na BLSE na kraju osmog mjeseca 2025. godine je iznosila 5,0 mlrd. KM uz negativnu stopu rasta od 2,3% g/g. Kapitalizacija na SASE na kraju mjeseca avgusta je dostigla 7,8 mlrd. KM uz stopu rasta od 8,1% g/g. Ukupna kapitalizacija na (SASE+BLSE) kraju ovog mjeseca je dostigla 12,8 mlrd. KM uz stopu rasta od 3,7% g/g. Odnos kapitalizacije na SASE prema BLSE na kraju ovog perioda je bio 60,7% prema 39,3%.

Grafikon 11: Kapitalizacija na SASE i BLSE u milijardama KM i stopa rasta u %




Izvor: SASE i BLSE

4. Vanjski sektor

Platni bilans Bosne i Hercegovine

Prema zvaničnim podacima CBBiH za K2 2025. godine, zabilježeno je smanjenje deficita tekućeg računa za 6,6% g/g. Deficit je sa 410 miliona KM u K2 2024. godine snižen na 383 miliona KM u K2 2025. godine²³. Kao razlog ovog smanjenja deficita tekućeg računa mogao bi se navesti rast neto priliva iz inostranstva. Deficit vanjske trgovine je iznosio oko 1,87 milijardi KM (povećan za 73 miliona KM, odnosno za 4,1% g/g). Iako je u K2 2025. godine zabilježen nominalni rast izvoza roba i usluga od 5,6% g/g (izvoz robe je viši za 309 miliona KM, izvoz usluga smanjen za 4 miliona KM) pod uticajem rasta uvoza roba i usluga od 5,2% g/g došlo je do rasta deficita vanjske trgovine (nominalni uvoz robe uvećan za 304 miliona KM, dok je uvoz usluga veći je za 74 miliona KM).

Grafikon 12: Kretanje tekućeg računa Bosne i Hercegovine – po godinama u K2



Izvor: CBBiH

Tekući neto prilivi iz inostranstva su, u K2 2025. godine su iznosili su 1,46 milijardi KM (porast je iznosio 6,9% g/g, odnosno 94 miliona KM). Ovo povećanje se odvijalo usljed nešto povećanih priliva te smanjenja odliva novca u inostranstvo. Pa su tako tekući prilivi novca iz inostranstva, koji su iznosili 2,21 milijardu KM, viši za 3,3% g/g (odnosno 70 miliona KM). Najveći dio od navedenog iznosa otpada na prilive novca kod domaćinstava koji su iznosili 1,9 milijardi KM (porast za 52 miliona KM, odnosno rast od 2,8% g/g). Ovom povećanju priliva kod domaćinstava doprinio je rast kompenzacija zaposlenih rezidenata Bosne i Hercegovine u inostranstvu za 32 miliona KM, zatim doznaka građana iz inostranstva za 30 miliona KM te prilivi socijalnih beneficija iz inostranstva koji su u posmatranom kvartalu povećani za milion KM. Nasuprot navedenim kategorijama kod kategorije ostalih tekućih transfera iz inostranstva došlo je do smanjenja priliva za 11 miliona KM.

Neto odlivi prema inostranstvu, u K2 2025. godine, su zabilježili smanjenje i to po stopi od 3,1% g/g (odlivi su niži za 24 miliona KM). Ovo se najvećim dijelom reflektiralo nižim odlivima kod nefinansijskih preduzeća i to po osnovu odliva za kamate na ostale investicije. Finansiranje deficita tekućeg računa u K2 2025. godine se odvijalo kroz smanjenje ulaganja u aktivu Bosne i Hercegovine u inostranstvu od 18 miliona KM (najvećim dijelom iz finansijskog sektora), promjenu stanja inostranih obaveza za 441 miliona KM (u koje ulaze strana ulaganja u vlasnički kapital od 346 miliona KM, sredstva trgovinskih kredita 182 miliona KM, vanjskog zaduživanja-u koji ulazi otplata duga od -61 milion KM te ostalih obaveza prema nerezidentima


²³ Izvor podataka: CBBiH, Statistika platnog bilansa, septembar 2025. godine

u iznosu od -26 miliona KM), sredstvima rezervne aktive od 197 miliona KM²⁴, sredstvima sa kapitalnog računa 102 miliona KM uz neto greške i propuste u iznosu od 25 miliona KM.

Vanjskotrgovinska robna razmjena

U proteklih nekoliko godina Bosna i Hercegovina je bilježila kontinuirani trend rasta vanjskotrgovinske robne razmjene, što se u pojedinim godinama manifestovalo i dvocifrenim stopama rasta izvoza i uvoza roba. Međutim u 2024. godini ovaj pozitivan trend je zaustavljen obzirom da je ukupna vanjskotrgovinska robna razmjena u Bosni i Hercegovini stagnirala. Tako su glavne karakteristike vanjskotrgovinske robne razmjene u 2024. godine bile, stagnacija ukupnog obima razmjene, smanjenje izvoza roba, povećanje uvoza roba i povećanje vanjskotrgovinskog deficita.²⁵ Međutim, prema trenutno raspoloživim podacima o vanjskotrgovinskoj robnoj razmjeni u Bosni i Hercegovini za 2025. godinu čini se da je došlo do zaustavljanja ovog negativnog trenda. Naime, prema podacima BHAS-a za period januar-august 2025. godine Bosna i Hercegovina je zabilježila povećanje obima vanjskotrgovinske robne razmjene, izvoza i uvoza roba što je praćeno boljom pokrivenošću uvoza izvozom i povećanjem vanjskotrgovinskog deficita. Pregled kretanja vanjskotrgovinskih pokazatelja u Bosni i Hercegovini u periodu januar-august 2025. godine prikazan je na grafikonu ispod.

Grafikon 13: Vanjskotrgovinska robna razmjena u Bosni i Hercegovini, januar-august 2025. godine (nominalni iznosi i stope rasta g/g)



Izvor: BHAS

Prema trenutno raspoloživim podacima BHAS-a za prvih 8 mjeseci 2025. godine izvoz roba iz Bosne i Hercegovine iznosio je preko 11,1 milijardu KM što predstavlja nominalno povećanje od 600 miliona KM odnosno 5,7% u odnosu na isti period prethodne godine.²⁶ Posmatrano na mjesečnom nivou, izvoz roba iz Bosne i Hercegovine već 10 mjeseci zaredom bilježi pozitivne stope rasta što bi moglo ukazivati da su negativni trendovi iz prethodne godine zaustavljeni. Tako je stopa rasta izvoza roba u augustu 2025. godine u odnosu na isti mjesec prethodne godine iznosila 5,4%. Ako se izvoz roba iz Bosne i Hercegovine u periodu januar-august 2025. godine

²⁴ Za razliku od monetarnog sektora gdje se analizira stanje deviznih rezervi na kraju perioda ovdje se prate tokovi novca

²⁵ Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za decembar 2024. godine-prethodni podaci“, 20.01.2025. godine.

²⁶ Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za januar-august 2025. godine“, 20.09.2025. godine.

posmatra detaljnije po proizvodima, vidljivo je da su najznačajnija povećanja izvoza roba registrirana u okviru izvoza el. energije 44,6% (1,7 p.p.), ruda metala gdje je izvoz višestruko uvećan a doprinos rastu ukupnog izvoza iznosio (1,7 p.p.), baznih metala 16,8% (1,3 p.p.), autokomponenti 19,5% (0,8 p.p.), prehrambenih proizvoda 13,3% (0,8 p.p.), gotovih metalnih proizvoda 3,7% (0,5 p.p.), i dr. S druge strane, u periodu januar-august 2025. godine najznačajnija smanjenja su zabilježena u okviru izvoza koksa 64,3% (-1,0 p.p.), namještaja 6,4% (-0,4 p.p.), mašina i uređaja 3,7% (-0,3 p.p.), odjeće 6,3% (-0,3 p.p.) i. Ako se izvoz roba iz Bosne i Hercegovine u periodu januar-august 2025.godine posmatra po glavnim trgovinskim partnerima vidljivo je da najviše robe izvezeno na tržište zemalja EU u vrijednosti od skoro 8,2 milijarde KM što predstavlja povećanje od 5,2% u odnosu na isti period prethodne godine. S druge strane, izvoz roba iz Bosne i Hercegovine u zemlje CEFTA-e iznosio je skoro 2 milijarde KM što predstavlja povećanja od 11,3%. Ako se robni izvoz iz Bosne i Hercegovine u periodu januar-august 2025. godine posmatra po zemljama vidljivo je da su najznačajnija povećanja zabilježena prilikom izvoza u Hrvatsku 20,3% (3,3 p.p.), Srbiju 8,7% (0,9 p.p.), Sloveniju 3,1% (0,3 p.p.), dok su najznačajnija smanjenja registrirana prilikom izvoza u Njemačku 2,0% (-0,3 p.p.), Italiju 2,4% (-0,2 p.p.) i Austriju 0,9% (0,1 p.p.).

S druge strane, uvoz roba u Bosnu i Hercegovinu u periodu januar-august 2025. godine iznosio je preko 19,6 milijardi KM što predstavlja nominalni rast od 712 miliona KM odnosno 3,8% u odnosu na isti period prethodne godine. Ovaj nastavak trenda rasta uvoza je veoma značajan u kontekstu kretanja privatne potrošnje i investicija odnosno domaće tražnja u zemlji koja predstavlja glavno uporište ekonomskog rasta u zemlji. Posmatrano po proizvodima, u periodu januar-august 2025.godine najznačajnija povećanja uvoza su registrirana u okviru uvoza električne energije koji je značajno uvećan i doprinosio je povećanju ukupnog uvoza sa (1,6 p.p), baznih metala 19,9% (0,9 p.p.), motornih vozila 6,8% (0,4 p.p.),farmaceutskih preparata 9,1% (0,3 p.p.), te koksa koji je višestruko uvećan (0,3 p.p.) i dr. S druge strane, smanjenja su zabilježena prilikom uvoza rafiniranih naftnih derivata 11,3% (-1,0 p.p.), kamenog uglja 53,9% (-0,8 p.p.), sirovog željeza i čelika 12,2% (-0,4 p.p.), mašina i uređaja 5,9% (-0,1 p.p.) i tekstila 8,8% (-0,1 p.p.) i dr. Ako se uvoz roba u Bosnu i Hercegovinu u periodu januar-august 2025. godine posmatra po glavnim trgovinskim partnerima vidljivo je da najviše robe uvezeno sa tržišta zemalja EU u vrijednosti od skoro 11,5 milijardi KM što predstavlja povećanje od 1,3% u odnosu na isti period prethodne godine. Uvoz roba iz zemalja CEFTA-e iznosio je skoro 2,5 milijardu KM što predstavlja povećanje od 10,1% u odnosu na isti period prethodne godine. Ako se robni uvoz u Bosnu i Hercegovinu u periodu januar-august 2025. godini posmatra po zemljama vidljivo je da su najznačajnija povećanja istog zabilježena prilikom uvoza iz Hrvatske koji je uvećan za skoro 30% uz doprinos rastu ukupnog uvoza roba od (2,1 p.p.), zatim Kine 15,0% (1,4 p.p.), Srbije 10,3% (1,0 p.p.), Austrije 0,7% (0,1 p.p.). S druge strane, najznačajnija smanjenja uvoza su registrirana prilikom uvoza iz Italije 10,2% (-1,4 p.p.), Njemačke 1,8% (-0,2 p.p.) i Slovenije 2,2% (-0,1 p.p.).

Ovakva kretanja izvoza i uvoza roba u periodu januar-august 2025. godine rezultirala su vanjskotrgovinskim deficitom od preko 8,5 milijardi KM, što predstavlja povećanje od 113 miliona KM odnosno 1,3% u poređenju sa istim periodom prethodne godine. Ako se posmatra struktura robnog deficita u Bosni i Hercegovini može se zaključiti da su rafinirani naftni proizvodi, motorna vozila, farmaceutski preparati i prehrambeni proizvodi najviše doprinosili povećanju deficita. S druge strane, namještaj, metalne konstrukcije i obuća su kategorije u okviru kojih Bosna i Hercegovina ostvaruje suficit. S druge strane, posmatrano po zemljama Bosna i Hercegovina u okviru vanjskotrgovinske robne razmjene najveći deficit bilježi prilikom razmjene sa Kinom, Italijom, Srbijom, Turskom i Njemačkom, dok suficit bilježi prilikom vanjskotrgovinske robne razmjene sa Austrijom, Crnom Gorom, Hrvatskom i Slovenijom.

Ukupna pokrivenost uvoza izvozom u Bosni i Hercegovini u periodu januar-august 2025. godine iznosila je 56,6%, pri čemu je pokrivenost sa zemljama EU iznosila 71,5% a sa zemljama CEFTA-e 79,5%. Detaljniji prikaz vanjskotrgovinske robne razmjene u Bosni i Hercegovini u periodu januar-august 2025. godine po HS klasifikaciji prikazan je u tabeli ispod.

Tabela 12: Vanjskotrgovinska robna razmjena u Bosni i Hercegovini u periodu januar-august 2025. godine, HS klasifikacija

Izvoz i uvoz dobara klasifikovanih prema harmonizovanom sistemu kodova (HS)	IZVOZ				UVOZ				DEFICIT				
	Jan_Aug 2024		Jan_Aug 2025		2025/2024 promjena %		Jan_Aug 2024		Jan_Aug 2025		2025/2024 promjena %		Pokrivenost uvoza izvozom
	u mil KM	u mil KM	g/g	p-p	u mil KM	u mil KM	g/g	p-p	u mil KM	u mil KM	g/g	p-p	
UKUPNO	10526	11125	5.7	5.7	18948	19661	3.8	3.8	-8423	-8536	1.3	1.3	56.6%
1 ŽIVOTINJE I PROIZVODI	151	165	9.0	0.1	653	667	2.1	0.1	-502	-502	0.0	0.0	24.7%
2 BILJNOG MASTI I ULJA	143	136	-4.8	-0.1	711	810	13.9	0.5	-568	-674	18.6	1.3	16.8%
3 ŽIVOTINJSKOG PREHRAMBENE	84	144	71.4	0.6	131	200	53.0	0.4	-47	-56	20.0	0.1	71.9%
4 PRERAĐEVINE PROIZVODI	356	372	4.6	0.2	1771	1882	6.3	0.6	-1415	-1510	6.7	1.1	19.8%
5 MINERALNOG PROIZVODI	825	1123	36.1	2.8	2443	2472	1.2	0.2	-1618	-1349	-16.6	-3.2	45.4%
6 HEMIJSKE PLASTIČNE	832	831	-0.1	0.0	1669	1760	5.5	0.5	-837	-929	11.0	1.1	47.2%
7 MASE, GUMA I	528	549	4.0	0.2	1231	1266	2.8	0.2	-703	-717	2.0	0.2	43.4%
8 KOŽA I KRZNO	51	60	17.5	0.1	171	154	-10.2	-0.1	-120	-94	-21.9	-0.3	39.0%
9 DRVO I PROIZVODI OD	615	647	5.3	0.3	271	282	4.0	0.1	344	365	6.2	-0.3	229.6%
10 CELULOZA, PAPIR I KARTON	293	303	3.5	0.1	398	329	-17.5	-0.4	-105	-25	-76.1	-0.9	92.4%
11 TEKSTILNI OBUČA, ŠEŠIRI,	544	515	-5.4	-0.3	1081	1070	-1.1	-0.1	-537	-555	3.3	0.2	48.1%
12 KAPE I SLIČNI PROIZVODI OD	484	457	-5.7	-0.3	260	284	9.3	0.1	224	172	-23.1	0.6	160.6%
13 KAMENA, GIPSA, BISERI,	151	154	1.9	0.0	393	410	4.3	0.1	-242	-256	5.9	0.2	37.5%
14 PLEMENITI BAZNI METALI I	29	35	19.0	0.1	45	46	1.6	0.0	-16	-11	-30.0	-0.1	75.5%
15 PROIZVODI OD MASINE,	1912	1999	4.6	0.8	2475	2600	5.1	0.7	-563	-601	6.7	0.4	76.9%
16 APARATI, TRANSPORTNA	1844	1857	0.7	0.1	2926	2886	-1.4	-0.2	-1082	-1029	-4.9	-0.6	64.3%
17 SREDSTVA I SATOVI, MJERNI,	446	492	10.2	0.4	1561	1668	6.9	0.6	-1115	-1177	5.5	0.7	29.5%
18 MUZIČKI I ORUŽJE I	78	92	17.6	0.1	263	312	18.6	0.3	-185	-220	19.1	0.4	29.4%
19 MUNICIJA, RAZNI	263	305	15.9	0.4	23	22	-5.2	0.0	240	283	18.0	-0.5	1398.6%
20 PROIZVODI UMJETNICKA	886	890	0.4	0.0	461	484	5.0	0.1	425	406	-4.6	0.2	68.7%
21 DJELA.	0	0	900.0	0.0	0	0	0.0	0.0	0	0	0.0	0.0	0.0%
98 NERAZVRSTANO	0	0	0.0	0.0	0	0	0.0	0.0	0	0	0.0	0.0	0.0%

Izvor: BHAS

5. Strana direktna ulaganja

U vrijeme pisanja informacije bili su dostupni samo podaci o stranim direktnim ulaganjima za prva dva kvartala 2025. god.

Prema posljednjim dostupnim podacima od strane CBBiH²⁷ SDU u Bosni i Hercegovini su u prvom polugodištu 2025. god. dostigla 778,2 mil. KM dok su ukupne reinvestirane zarade u ovom periodu su dostigle 458,7 mil. KM.

Tabela 13: Strana direktna ulaganja po kvartalima i ukupno u milionima KM

Godina	K1	K2	K3	K4	K1-K4
2022.	447,1	469,3	423,2	381,9	1.721,5
2023.	546,6	653,5	456,3	385,2	2.041,6
2024.	552,2	375,6	517,7	366,3	1.811,7
2025.	363,0	415,2			

Izvor: CBBiH

U augustu 2025. agencije za ocjenu kreditnog rejtinga Standard & Poor's potvrdila je Bosni i Hercegovini suvereni kreditni rejting „B+ sa stabilnim izgledima“ dok je Moody's Investors Service u augustu prošle godine potvrdila kreditni rejting „B3 sa stabilnim izgledima“.

²⁷ BPM6_for_users_Q1_2015_Q2_2025_detaliled, neto finansijska pasiva

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je ***Informaciju o kretanju makroekonomskih pokazatelja u Bosni i Hercegovini za januar – august 2025. godine.***

broj: _____ od _____. godine.

Broj: _____, _____. godina.
S a r a j e v o

M. P. Predsjedavajuća
Vijeća ministara Bosne i Hercegovine

Borjana Krišto

Na temelju članka 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), članka 54. stavka (1) točke b) i članka 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je ***Informaciju o kretanju makroekonomskih pokazatelja u Bosni i Hercegovini za siječanj – kolovoz 2025. godine.***

broj: _____ od _____. godine.

Broj: _____, _____. godina.

S a r a j e v o

M. P.

Predsjedateljica
Vijeća ministara Bosne i Hercegovine

Borjana Krišto

На основу члана 17. Закона о Савјету министара Босне и Херцеговине („Службени гласник Босне и Херцеговине“, бр. 30/03, 42/03, 81/06, 94/07 и 24/08), члана 54. става (1) тачке б) и члана 56. Пословника о раду Савјета министара Босне и Херцеговине („Службени гласник БиХ“, број 22/03) Савјет министара Босне и Херцеговине на _____ . сједници, одржаној _____ године, донио је
(број сједнице) (датум сједнице)

З А К Љ У Ч А К

1. Савјет министара Босне и Херцеговине усвојио је *Информацију о кретању макроекономских показатеља у Босни и Херцеговини за јануар – август 2025. године.*
број: _____ од _____ . године.

Број: _____ , _____ . година.
С а р а ј е в о

М. П. Предсједавајућа
Савјета министара Босне и Херцеговине

Борјана Кришто